

Guekgya Gaep Feihyiz Buek Daih'it: Heiqgvei

□ Daeglunz cingjeix



▲ Heiqgvei aen cezmu 《Dwk Faexgyaengh Ok Sieng》.

◀ Heiqgvei 《Caet Yamq Guhsei》 ndaej guekgya “haj aen it gungh-cwngz ciengj”.



▲ Yienj Heiqgvei angqcoux cieng moq.



▲ Heiqgvei 《Gij Riuzcienz Duzngwz Hau》.



▲ Heiqgvei 《Feihswj Yauzczu Dahlizgyangh》.



▲ Heiqgvei conzdungj 《Hai Gung Gwn Caz》.



▲ Heiqgvei yienj ndaej ndeiyawj.

Heiqgvei dwg Gvangsiah cungj heiq hungdaeuz ndeu, dwg Gvangsiah cungj heiq deihfueng ndeu. Vunzlai heuhguh Heiqgvei roxaeuz Heiq-gveibanh, dwg aeu Vahgun Vah-gveilinz daej ciengqyienj; baengh naj caeuq ndang bouxyienj bienqvaq lai cungj lai yiengh daej ciengcingz, de yawjnaek aeu cungj yienjap sijsaeq caeuq depgyawj saedcej haenx bae yienj vunz ndaw heiq. Cungj heiq neix riuz youq Gvangsiah dieg gangj Vahgun vahbaihbaek, lumj Gveilinz, Liujcouh, Hozciz, Nanzningz daengj si gij dieg ndaw-singz lajmbanj gangj “Vahgven (Vahgun)” haenx, vunzlai gyaemaij.

Heiqgvei miz 200 lai bi baedauq. 20 sigij sam seiqcib nienzdaih, boux canghheiq mizmingz Ouhyangz Yijgen cauhguh, gajbien, cauhbien Heiq-gvei 《Liengz Hungzyi》《Daj Ginhcih》《Giuzraek》daengj, neix hawj Heiq-gvei ndaej liedhaeuq guek raeuz cib cungj heiq hungdaeuz ndawde bae.

Heiqgvei rag roengz ndaw-biengz, yungzhab gij doenghyiengh nem cingzvunz ndawbiengz caeuq vwnzva daegdiemj Gvangsiah gag miz haenx, cugmbaek hengzbaenz cungj daegsaek sijsaeq unqnemq, seng-doengh, miz doenghyiengh lajmbanj lailai nem cungj gyaundeisohsed youh depgyawj lajmbanj. Hoeng, seizneix Heiqgvei gaenq yaek muedlaemz lo, gij conzdungj haenx saetbae lai, vunzcaiz mbouj daih miz ciepriengz, cozbij nem dinfwngz saetcienz lai, youq ndawbiengz yienjok hojguh dangqmaz; doenghgij daegsaek Heiqgvei bonjmiz haenx cingq cugmbaek bienq noix.

Youq guek raeuz, guekgya gig yawjnaek henhoi feihvuzciz vwnzva yizcanj, 2006 nienz 5 nyied, Heiq-gvei ndaej Gozvuyen baecinj liedhaeuq daih'it buek guekgya gaep feihvuzciz vwnzva yizcanj mingzloeg.

Gangj daengz Heiqgvei, deng gangj aen cozbij hungdaeuz haenx heuhguh 《Goeng Hung Dauq Mbanj》.

《Goeng Hung Dauq Mbanj》dwg aen cezmu maenhndei ndeu, youz Gvangsiah Gveilinz Si Gveigidonz comzrengz cauhguh. De gangj gij saeh gamjdoengh gvendaengz Cinz Hungzmouz ciuhvunz cinghseuq, guhsaeh caensaed, goeng neix dwg vunz mizmingz ndaw lizsij Gvangsiah, Cinghcauz Dunghgwz Doyozsw nem Gunghbu Sangsuh. Seizhaenx, Cinz Hungzmouz gaenq mauhgvaq caetcih bi, dajsuenq riengz Dahyinhoz dauq Gvangsiah Gveilinz mbanjcoj ciengx-laux, yaek dauq ranz seizhaenx, de laegfwngx rox bonjfaenh 20 bi gaxgonq youq Sanjsiah doihengz aen cosih ndaem gosangh daemj baengz-sei, neix caen dwg cungj cingzcik gyaj haih nungzminz lai. De ndekhong le, gij baiz mizmingz heuhguh “Cinzgien(baengzsei)” youz de cauhguh haenx, baenz aen gunghcwngz aeunaj, guhgyaj youz doenghboux guen cieplaeng doihengz haenx. Goeng hung Cinz Hungzmouz sim' in ngeixdauq, de naemj aeu hengz-doengh bae bouj doxdauq. Neix couh miz ok doenghgij saeh doxbungq gvendaengz vuengzdaeq nem bouxlaj, saefouh nem hagseng, cingzcaencik. Hoeng youq funghgen seizdaih, Cinz Hungzmouz guh saeh damqra caensaed mbouj ndaej baenz, ndaw



▲ Heiqgvei 《Goeng Hung Dauq Mbanj》.



▲ Heiqgveigi buenx gin-cung gvaq cieng.



▲ Heiqgvei 《Gij Yenzfwn Ndaw Gviah》.